

Raspored NAPLAN testova 2009

	Utorak 12. maj	Srijeda 13. maj	Četvrtak 14. maj
3. razred	Jezičke konvencije 40 minuta	Čitanje 45 minuta	Matematika 45 minuta
	Pisanje 40 minuta		
5. razred	Jezičke konvencije 40 minuta	Čitanje 50 minuta	Matematika 50 minuta
	Pisanje 40 minuta		
7. razred	Jezičke konvencije 45 minuta	Čitanje 65 minuta	Matematika 40 minuta x 2 (ukupno 80 minuta) <small>Kalkulator je dozvoljen na prvom testu po rasporedu poslije kojeg je test bez korišćenja kalkulatora</small>
	Pisanje 40 minuta		
9. razred	Jezičke konvencije 45 minuta	Čitanje 65 minuta	Matematika 40 minuta x 2 (ukupno 80 minuta) <small>Kalkulator je dozvoljen na prvom testu po rasporedu poslije kojeg je test bez korišćenja kalkulatora</small>
	Pisanje 40 minuta		

Jezičke konvencije obuhvataju spelovanje, gramatiku i interpunkciju.

Matematika obuhvata broj; prostor; algebru, funkcije i uzorke; mjere; vjerovatnoću i podatke.

Kalkulatori

U 3. i 5. razredu na testu iz matematike nije dozvoljeno korišćenje kalkulatora. U 7. i 9. razredu na jednom testu iz matematike dozvoljena je upotreba kalkulatora, a na drugom nije.

NAPLAN web-stranica
www.naplan.edu.au

NAPLAN

NACIONALNI PROGRAM OCJENJIVANJA Pismenost i matematika

2009

Informacije za roditelje



MINISTERIAL COUNCIL ON EDUCATION,
EMPLOYMENT, TRAINING AND YOUTH AFFAIRS



NACIONALNI PROGRAM OCJENJIVANJA

Pismenost i matematika 2009

U australskim školama je 2008. godine počela primjena Nacionalnog programa ocjenjivanja – pismenost i matematika (NAPLAN). Program se nastavlja 2009. godine i svi učenici 3., 5., 7. i 9. razreda se ocjenjuju po opštem nacionalnom testu iz čitanja, pisanja, jezičkih konvencija (spelovanja, gramatike i interpunkcije) i matematike.

Ko će polagati test?

Od svih učenika 3., 5., 7. i 9. razreda očekuje se da učestvuju u programu ocjenjivanja. Ako vaše dijete zahtijeva posebne uslove, o tome treba da porazgovarate sa direktorom škole.

Ko će obavljati testiranje?

NAPLAN testovi se održavaju u školama i obavljaju ih razredni nastavnici.

Ko će ocjenjivati testove?

Testove će ocjenjivati stručni, neutralni ocjenjivači.

Šta će se ocjenjivati?

Sadržaj svakog testa određuju Nacionalne odredbe za učenje engleskog i matematike, (National Statements of Learning in English and Mathematics) koje predstavljaju temelj nastavnog programa u svakoj državi i teritoriji. Pitanja na testu pokrivaju aspekte iz pismenosti (čitanje, pisanje, gramatiku, interpunkciju i spelovanje) i matematike. Na pitanja se odgovara izborom jednog od više ponuđenih odgovora ili kratkim pisanim odgovorom. Od učenika se traži da u okviru zadatka iz pisanja napišu sastav ili priču.

Sva vladina i ne-vladina nadležna tijela u oblasti obrazovanja doprinijela su izradi materijala za NAPLAN.

Gdje mogu naći uzorke pitanja?

Uzorci pitanja i uzorci zadataka iz pisanja su dati na NAPLAN web-stranici.

Mogu li pomoći svom djetetu u pripremanju za testove?

Nastavnici će spremati učenike za testove i pružati im pomoć i podršku prije i za vrijeme testiranja. Roditelji treba da bodre djecu i budu optimistični u danima održavanja NAPLAN testova.

Kada će se održavati testovi?

Testovi su određeni za utorak, 12. maj, srijedu, 13. maj i četvrtak, 14. maj ujutro. Sve škole u cijeloj Australiji obavljaju testove u iste dane. Vrijeme pokazano na rasporedu je vrijeme predviđeno za rad učenika. Dodatno vrijeme je predviđeno za upute nastavnika.

Šta ako je moje dijete odsutno iz škole u dane testiranja?

Gdjegod je moguće, škole će organizovati za individualne učenike koji su odsutni u vrijeme testiranja, naknadne testove u drugo vrijeme tokom te sedmice. Individualnim učenicima, odsutnim u vrijeme testiranja, ne dozvoljava se polaganje testova poslije petka, 15. maja.

Kakvu dodatnu pomoć mogu pružiti škole učenicima sa posebnim potrebama?

Učenici sa posebnim potrebama dobiće pomoć da pristupe testovima. Zvanično izuzeće se može dati nekim učenicima koji imaju tešku intelektualnu nesposobnost ili onima koji su nedavno došli u Australiju iz zemalja u kojima se ne govori engleski. Molimo da se obratite školi za detaljnije informacije.

Hoću li dobiti izvještaj o uspjehu svog djeteta?

Škola će dati NAPLAN izvještaj kasnije tokom godine. Isti format izvještaja se koristi za svakog učenika u Australiji. Škola će vas obavijestiti kada će poslati izvještaj kući. Ako ne primite izvještaj, obratite se školi.

Rezultati vašeg djeteta su strogo povjerljivi.

Izvještaj je samo jedan aspekt procesa školskog ocjenjivanja i izvještavanja o uspjehu i ne zamjenjuje obuhvatniji i na detaljnijim podacima zasnovan sud koji o vašem djetetu stvaraju nastavnici.



Koje informacije će biti dostavljene o uspjehu učenika?

NAPLAN rezultati obezbjeđuju važno odmjerenje uspjeha svakog australskog učenika iz pismenosti i matematike.

Uspjeh vašeg djeteta na svakom testu pokazan je na skalama nacionalnih rezultata od 3. do 9. razreda. Za svaki razred izvještava se uz pomoć šest slojeva. Jedan od ovih slojeva predstavljaće minimalni nacionalni standard za učenike u svakom od razreda. Rezultat na nivou minimalnog nacionalnog standarda ukazuje da je đak pokazao osnovne sposobnosti iz pismenosti i matematike koje su potrebne za pohađanje tog razreda.

Uspjeh vašeg djeteta se može upoređivati sa uspjehom drugih učenika u državi ili teritoriji u kojoj živite ili u Australiji.

Kako će se koristiti rezultati NAPLAN testa?

- Učenici i roditelji mogu koristiti pojedinačne rezultate za razgovor sa nastavnicima o uspjehu i napretku.
- Nastavnici koriste rezultate kao pomoć da bolje identifikuju one đake kojima treba složenije gradivo ili one kojima treba više pomoći.
- Škole koriste rezultate da identifikuju slabosti i dobre strane u nastavnim programima i da postavljaju ciljeve za pismenost i matematiku.
- Školski sistem koristi rezultate da revidira programe i pomoć koja se nudi školama.

Gdje mogu dobiti detaljnije informacije?

Podrobnije informacije o NAPLAN-u mogu se dobiti ako:

- se obratite školi vašeg djeteta
- nazovete državnu, teritorijalnu ili ustanovu u obrazovnom sistemu
- pogledate web-stranicu državne, teritorijalne ili ustanove obrazovnog sistema
- pogledate nacionalnu NAPLAN web-stranicu.